



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU BRČANSKOG DEMOKRATSKOG POKRETA BRČKO DISTRIKTA BOSNE I HERCEGOVINE

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Brčanskog demokratskog pokreta Brčko distrikta Bosne i Hercegovine za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Brčanski demokratski pokret Brčko distrikta Bosne i Hercegovine prekršio odredbe člana 4. stav (1) i člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Brčanskog demokratskog pokreta Brčko distrikta Bosne i Hercegovine za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Brčanski demokratski pokret Brčko distrikta Bosne i Hercegovine se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.320,00	22,62
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	4.516,00	77,38
8.	Prihodi od propagande (3-g)	0,00	0,00
I	Ukupni prihodi (1-8)	5.836,00	100,00
II	Ostali prihodi i drugo	0,00	0,00
	Izvori finansiranja (I+II)	5.836,00	100,00

U godišnjem finansijskom izvještaju za 2019. godinu stranka je iskazala rashode u iznosu od 5.110,00 KM.

2. PREDSTAVLJANJE POLITIČKE STRANKE

Naziv političke stranke: Brčanski demokratski pokret Brčko distrikta Bosne i Hercegovine. Skraćeni naziv stranke je BDP.

Brčanski demokratski pokret Brčko distrikta Bosne i Hercegovine je registrovana kod Osnovnog suda u Brčko distriktu BiH, rješenjem broj: 096-0-F1-16-000006 od 12.02.2016. godine.

Sjedište stranke je u Brčko distriktu BiH, Bulevar mira broj 4.

Lica ovlaštena za predstavljanje i zastupanje stranke u 2019. godini su Admir Nuković, predsjednik stranke i Dijana Vasić, podpredsjednik stranke.

Lica ovlaštena za podnošenje finansijskih izvještaja za 2019. godinu su Vanja Šolaja i Dijana Vasić.

Prema podacima iz godišnjeg finansijskog izvještaja za 2019. godinu, Brčanski demokratski pokret Brčko distrikta Bosne i Hercegovine nema niže organizacione nivoe.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Brčanskog demokratskog pokreta Brčko distrikta Bosne i Hercegovine za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Brčanskog demokratskog pokreta Brčko distrikta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim osvrtom na priloge od fizičkih lica i prihode iz budžeta.

4. PRETHODNE KONTROLE I REVIZIJE

Služba za reviziju izvršila je reviziju i pregled finansijskih izvještaja Brčanskog demokratskog pokreta Brčko distrikta Bosne i Hercegovine u periodu od 2016. do 2017. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa mišljenjem revizora, nalazima revizije i preporukama stranci: da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da pravilno vodi evidencije o prihodima i rashodima, odnosno da podnosi finansijske izvještaje na način koji je utvrđen zakonom i drugim propisima u skladu sa zakonom i da obrasce finansijskog izvještaja popunjava na način propisan Pravilnikom o godišnjim finansijskim izvještajima političkih stranaka.

Centralna izborna komisija BiH je, odlukom broj: 03-07-6-114/20 od 18.06.2020. godine, ovoj političkoj stranci zbog uskraćivanja pristupa svojim prostorijama radi obavljanja revizije njenog poslovanja za 2018. godinu, u skladu sa odredbom iz člana 10. stav (8) Zakona o finansiranju političkih stranaka, izrekla administrativnu mjeru kojom joj je uskraćeno pravo da se kandiduje na narednim izborima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Brčanski demokratski pokret Brčko distrikta Bosne i Hercegovine nije ispoštovao sve preporuke.

5. NALAZI I PREPORUKE

5.1 NALAZI

a) Brčanski demokratski pokret Brčko distrikta Bosne i Hercegovine nije postupio u skladu sa odredbama člana 4. stav (1)¹ Zakona o finansiranju političkih stranaka.

Stranka je uz godišnji finansijski izvještaj za 2019. godinu, dostavila Program utroška sredstava za 2019. godinu u kojem je predvidjela ukupne troškove u iznosu od 12.000,00 KM.

Prema podacima iz godišnjeg finansijskog izvještaja stranka je ostvarila rashode u ukupnom iznosu od 5.110,00 KM.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenih svojim programom i statutom.

Međutim, analizom strukture iskazanih troškova na obrascu 4.1 (režijsko-administrativni i ostali troškovi) i programa utroška sredstava za 2019. godinu, utvrđeno je da je stranka ostvarila i troškove koji nisu predviđeni programom utroška sredstava, i to: troškove knjigovodstvenih usluga u iznosu od 800,00 KM, troškove platnog prometa u iznosu od 419,00 KM, troškovi održavanja opreme u iznosu od 120,00 KM i troškove taksi i novčanih kazni u iznosu od 90,00 KM.

Sve navedeno ukazuje da je Brčanski demokratski pokret Brčko distrikta Bosne i Hercegovine prekršio odredbe člana 4. stav (1) Zakona o finansiranju političkih stranka jer nije planirao sve troškove po vrstama troškova, odnosno na način kojim bi se obezbijedila potpuna transparentnost planiranog trošenja sredstava, kao i da je finansijska sredstva utrošio mimo utvrđenog programa utroška finansijskih sredstava za 2019. godinu.

b) Brčanski demokratski pokret Brčko distrikta Bosne i Hercegovine prekršio je odredbe člana 12. stav (4)² Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da Brčanski demokratski pokret Brčko distrikta Bosne i Hercegovine nije pravilno popunio obrasce godišnjeg finansijskog izvještaja, čime je prekršio odredbe člana 12. stav (4) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka- u daljnjem tekstu: Pravilnik.

Stranka je u obrascu 2 (pregled prometa svih transakcionih računa političke stranke) godišnjeg finansijskog izvještaja pogrešno iskazala podatke o prometu na transakcijskom računu, čime je prekršila odredbe člana 11. Pravilnika.

Stranka je u obrascu 2 iskazala početni saldo u iznosu od 0,00 KM, promet ulaza u iznosu od 11.831,00 KM, promet izlaza u iznosu od 11.780,00 KM i stanje na dan 31.12.2019. godine u iznosu od 51,00 KM. Pregledom poslovnih knjiga i kontrolom izvoda sa transakcijskog računa stranke, broj: 5552000026306027 kod Nove Banke a.d, utvrđeno je da je početni saldo iznosio 0,70 KM, promet ulaza je iznosio 7.283,45 KM, promet izlaza je iznosio 7.232,47 KM, a saldo na dan 31.12.2019. godine je iznosio 51,68 KM.

5.2 PREPORUKE

Preporučuje se Brčanskom demokratskom pokretu Brčko distrikta Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svake godine donosi precizan i jasan program utroška sredstva i da finansijska sredstva osigurana za finansiranje političke stranke koristiti isključivo za ostvarivanje ciljeva utvrđenih svojim programom i statutom i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2019. godinu.

Pomoćnik revizora

šef Službe za reviziju

Mr.sc. Goran Cicović

Mr. sc. Hasida Gušić

² Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.